

Jasna Duraković – SDP BiH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO

n/r Vlada Kantona Sarajevo/Ministarstvo za obrazovanje i nauku KS

Sarajevo, 03.3.2021.godine

ZASTUPNIČKA INICIJATIVA

U cilju podcrtavanja važnosti i značaja nauke i doprinosa žena u nauci, o kojima nismo mnogo čuli jer im nikada nije ustupljen adekvatan udžbenički prostor, podnosim inicijativu za imenovanje Katedre/amfiteatra za matematiku na Prirodno-matematičkom fakultetu Univerziteta u Sarajevu, koji bi nosio naziv profesorice Naze Tanović Miller, akademkinje koja je izuzetno zaslužna za razvoj matematike, pokretanje časopisa u ovoj oblasti, ali i podsticanje razvoja žena u STEM naukama.

OBRAZLOŽENJE

Homework HUB (prvi univerzitetski HUB u BiH) je u sklopu svog rada osnovao pododjeljak Gender istraživački centar, čiju je prvu fazu finansiralo Ministarstvo za obrazovanje, nauku i mlade KS, u svrhu ostvarivanja i realizacije UN održivih ciljeva, a koji za cilj ima podizanje svijesti, promovisanje, mentorisanje i istraživanje na temu gender komponente u svim naučnoistraživačkim radovima. Ovaj Gender istraživački centar je u prvoj fazi svog djelovanja organizirao različita predavanja studentima koji pišu završne radove II i III ciklusa studiranja sa šarolikim poljima istraživanja, s posebnim naglaskom na doprinos žena u nauci. Ova inicijativa proizilazi iz ove saradnje sa Homework HUB-om i predavanja koje sam održala o ovoj temi i generalno o činjenici da je naučni doprinos žena gotovo u potpunosti bio zanemaren u obrazovnom procesu, pogotovo kroz udžbenike i drugu literaturu, što je u osnovi i bio veliki propust dosadašnjih Vlada u kreiranju zakona i udžbeničke politike. Stoga se nadam da na ovaj način možemo barem djelomično prevazići ovu vrstu diskriminacije prema ženama koje su dale nemjerljiv doprinos razvoju nauke u Bosni i Hercegovini.

Dr. sci. Jasna Duraković

Zastupnica SDP BiH